



鐵山園詩稿序

冶山上公守詩禮之家傳髫齡

即工吟咏稍長按年編次名曰

鐵山園詩稿近復檢訂庚午辛

未之稿付梓而仍其名郵寄示

畧為之序余竊惟溫柔敦厚

董序

得詩教之宗興觀羣怨示學詩  
之要我

至聖先師兢兢於三百篇無邪之

旨者誠以詩本人情該物理感

發創懲有關於世教風俗而為

萬古修齊之標準也 冶山幼



嫺禮儀自襲爵入

覲親承

錫命嗣後逢

國家舉茂典必躬詣

闕廷

恩諭溫霽

董序

錫賚優嘉而 冶山奏對稱

旨因事著儀動合矩度益紹承有自

來矣今觀稿中所著工於論古

而不失之偏斷善於詠物而不

失之纖巧長於叙事而以端風

教爲準嫺於寫景而以理性情

爲先是其所以能守詩禮之家  
傳光紹承之鴻緒者固大且遠  
豈彼尋章摘句之輩緣情綺靡  
無當三百篇溫柔敦厚之旨者  
所可同日語哉且治山年力  
正富好學不倦進而益上卽以

董序

三

詩格論亦烏能測其所至耶

嘉慶十八年歲次癸酉仲秋

經筵

講官太保文華殿大學士文淵

閣領閣事稽察欽奉

上諭事件處管理刑部事務騎都尉

加三級年通家世弟董誥序

序

詩孔氏家學也三百篇以商頌  
殿實爲三百權輿溯其源則皆  
出自孔氏

孔子作春秋以嗣風雅春秋一詩  
也贊周易而叶音韻周易一詩

韓序

也過庭學詩此固傳子之明訓  
而中庸引詩証道發義於斷章  
貽厥之謀又直與孝經相接當  
時及門弟子同受詩學而自卜  
氏大小序端木氏論貧富曾子  
大學一篇外鮮有言詩者蓋言

詩若是其難也歲辛未晉奉

命視漕濟水次年春履勘曲阜泉源

恭謁

至聖林廟登闕里堂與治山上

公一見如舊相識粹然在抱藹  
然可親風雅人也頃復出其庚

韓序

午辛未兩年詩稿屬晉一言爲

弁晉公餘披閱見其論古有識

賦物有情溫柔敦厚深得六義

遺旨因歎治山翩翩世祿而

能懷鉛吮墨指事類情家學淵

源於茲益信昔帝舜命后夔教

胄喻以詩歌周禮大司樂教國  
子歸於諷誦是昔人詩學於貴  
遊尤兢兢焉今讀三百篇周召  
吉甫諸公所作深閨燕好山林  
風景下至閭閻瑣悉真有山人  
逸士於目治耳聞之下撚鬚苦

韓序

三

吟所不能到歐陽子謂詩必窮  
而後工豈信然哉晉昔校書芸

館時復闡韻成聲一自南臺供  
職持節東來公事旁午未遑索  
句而上公乃以序詩相屬

公才高學贍方值妙齡使由此

日積月累與年俱進則思王入室當自別爲一宗而孔門用詩誰復與之競響家學具在三百匪遙周召和聲其在斯乎其在斯乎

嘉慶十七年歲在壬申孟夏

韓序

四

欽命掌雲南道監察御史巡察濟寧  
漕務協辦河道事務加三級世  
愚弟韓鼎晉頓首拜撰



鐵山園詩稿序

衍

先後官東省十餘年每至曲

阜恭謁

先聖廟林覽觀漢刻石及前代

衣冠笏佩

國家所賜先秦彝器頗從舊本

孫序

古書春秋分記元和郡縣志等  
或付梓傳世拙詩所以有使者  
車單如客過

聖人家近借書看之句也時晉

謁

冶山上公年甫冠玉山照人望

若神仙知其聰穎特達能歌詩  
善行楷阮芸臺中丞嘗器異之  
以爲不負

聖門詩禮之傳也越數年

行既

引病南歸 冶山上公始從葉

表弟榕圃寄所撰鐵山園詩稿

孫序

二

三卷屬序於予

行

感其千里乞

言之意不敢以不文辭也惟古

人爲文苦不逮意又云人生幾

何而不自行胸懷故經言詩言

志明之詩人必欲仿漢魏爲古

樂府列於卷端又分唐爲三別

宋爲二一一模擬格調雖褒然  
成集而性靈不居後之論詩者  
或非議之今觀公治山上公之  
集其性情醇摯如杜陵其風調  
瀟灑如香山其咏古賦物工雅  
如皮陸筆意所到若秋水生波

孫序

三

春雲出岫又若皓月行空泉源  
瀉地劉勰所謂珪璋挺其惠心  
英華秀其清氣者當於斯集見  
之然公治山上公齒猶未也異  
時輯瑞

皇都賡揚

天蒸增卷阿之雅什揚吉甫之  
清風其所成就當不止此於以  
冠冕詞林發揮

聖緒庶幾拭目俟之

行

曾閱闕

里文獻考識君家奕禩相承名  
流輩出 恭愨公敦率禮義倡

孫序

四

明教學

振路公勇讀書工文

詞究心濂洛關閩之理 篤齋

上公亦以詩文墨妙爲當世名

公卿推重今讀 冶山上公詩

知其能緒先業喜

先聖風流不墜世有達人因樂

得而序之不知其詞之不文也  
嘉慶十九年歲在甲戌五月下  
浣陽湖世愚弟孫星衍拜撰於  
冶城山館



孫序

五

冶城山館

嘉慶十九年歲在甲戌五月下  
浣陽湖世愚弟孫星衍拜撰於  
冶城山館

鐵山園詩序

昔人云窮愁之言易工歡愉之音難好然則詩必窮而後工乎夫歡愉之音莫如二南其詞出宮壺者無論卽武夫游女肅置采芣聽其詩皆有優游自得之

鐵山園詩序

辛序

致故季札聽之以爲勤而不怨乃至喈喈逐聲于黃鳥嚶嚶學韻于草蟲以及桃夭棣棣葛覃棠芾體物賦形宛然心目不可謂非工也雅詩有正變其變者多憂時閔俗窮愁之作固易爲

工其正者爲朝廟燕饗樂章或  
陳述祖德進戒人君之詞頌則  
序成功以告神明亦所謂歡愉  
難工者今玩其詞審其音清明  
廣大樂易優柔令人穆然意遠  
乃至雨雪楊柳原隰皇華鷹揚

鐵山園詩序

辛序

二

鳳翹之形萼韡瓜綿之狀振鷺  
紀斯容于我客駟馬美無斃于  
君心卽景寓情比附巧切立言  
亦何嘗不工也且人縱處盛境  
不能無離合悲歡故關雎有不  
傷之哀卷耳有不永之懷小星

嘆命于衾裯喬木悵人于江漢  
安見歡愉中必無窮愁乎惟其  
發乎情止乎義而不失乎溫柔  
敦厚之旨故詩教興焉余讀冶  
山上公詩而深有契于斯旨也  
公以聖裔襲封遭際承平席豐  
亨之境發歡愉之音宜若無可  
見其奇者然玉珮冠裳雍容都  
雅如春雲出岫藹藹焉舒卷自  
如如平山遠水靜對怡人雖復  
寫景咏物涉筆成趣刻畫工妍  
有淵冲之度至其感激

國恩眷懷世德感深風木傷隕叢  
蘭對舊雨以興懷望停雲而搔  
首孝子仁人之思肫然言表至  
于擬古命題設身處地悲愉順  
逆各肖其情而皆協乎義與夫  
花晨月夕酒壘歌場卽境陶情

鐵山園詩序

辛序

四

而不溺于情豈非得哀樂之正  
而不失溫柔敦厚之旨者乎以  
此處境則歡愉可也窮愁亦可  
也以此論詩則窮愁之言固工  
也卽歡愉之音亦好也夫有真  
性情而後有真詩 上公天懷

真率與人言畧無矜飾而高雅  
恬澹令人挹之無盡其于詩用  
力既深直窺古作者之室一以  
陶寫性情爲主昔孔子之論學  
詩也可以興觀羣怨事父事君  
夫本天性之真發乎情止乎義

鐵山園詩序

辛序

五

故隨境感懷千載下皆爲興起  
余旣喜上公爲人之真而樂  
觀其詩也世有想望丰采欲瞻  
仰上公而無由者讀其詩可  
以知其人矣

嘉慶丁丑仲秋提督山東學政

內閣侍讀學士世愚弟辛從益  
謹跋



鐵山園詩序

辛序

六



鐵山園

內閣侍讀學士世愚弟辛從益

龍吟叶律鳳噦諧聲炳燭三才暉  
騰萬有發喁吁之逸籟鼓天地之  
元音故薰風與卿雲之頌渺爾難  
追而夏歌與周雅之辭曼哉獨尚  
晚近以來音韻丕變幹之以風力  
潤之以丹彩春鳥秋蟬夏雲冬月  
隨時感興托物言懷嘉會則詩詩

許序

以親離愁則寄詩以怨是以銀毫  
細舞夜拾瑤章花骨輕裁天教長  
鬣至於楚臣去境漢妾辭宮或竟  
追朔野影逐飛蓬或負戈外敵汗  
馬雄邊塞客衣單孀閨淚濕故士  
有解佩出朝驚心返國女有揚蛾  
入寵笑眼傾城凡斯種種感蕩心

靈非陳詩何以展其義非長誦無  
以騁其情伏惟 三台拱曜五嶽  
降神金貂列座朱戶凝眸入朝而  
頻錫杖餐漢太后之詔書特下居  
家而榮披繡袞安昌侯之恩眷獨  
隆縹碧琳瑯百代衣冠之祖魏莪  
踏躋千秋俎豆之鄉方且風雲元

許序

感蔚為帝師道術通明擎為天柱  
寧止龍梭織字幻成崔珏鴛鴦錦  
簇攢花飛出謝莊蝴蝶然而花晨  
月夕酒綠燈紅興之所至筆亦隨  
之旗亭播曲定甲乙於梨園樂府  
填辭譜金絲於桃館或則聽鸝砒  
俗鼓吹詩腸或則緩轡尋芳黃昏

草脚離鴻屋角杜少陵之千里懷  
人翔雁沙灣趙倚樓之一聲長笛  
未賦微雲誰知學士不題紅杏莫  
認尚書楊徽之之警語十睽曾上  
屏風之譜王摩詰之畫圖一幅共  
酬別墅之遊乃者捧誦佳章傾聆  
雅奏蘓辛以橫放名家周柳以清

許序

三

妍成韻傳維揚之衣鉢共計十年  
集數載之腋裘僅留一帙天真爛  
漫何須玉夏金猷氣象堂皇迥異  
郊寒島瘦李謫仙之河源九曲直  
撼當頭劉夢得之驪項一珠獨探  
在手雲翻野鶻直同驥足之奔角  
掛鈴羊莫認烟痕之跡前度相逢

今朝再會蘓李之五言未已柏梁  
之七字猶新淨几披吟篝燈檢誦  
如聞其語想見其人金馬玉堂裴  
晉公之高華典贍輕裘緩帶羊叔  
子之瀟灑風流來從瘴雨蠻烟雅  
托聲名之地領得江山風月愧無  
丁卯之評從此清真入妙同梅溪

許序

四

白石以齊名秀逸含精偕竹屋王  
田以並駕云爾

嘉慶辛未年仲秋望後世晚生榕  
晉南氏許夔拜序



詩何為而作也古人陶寫性情而  
作也故於小雅見忠孝之遺國風  
見人心之寄豈徒以風雲月露之  
詞刻劃求工而已哉余於嘉慶己  
未歲墜黃秋平夫子遊授經之  
暇輒講論詩律并切之以詩之真  
意示之偶為五字駢語即蒙夫子

序

許以可與言詩自壬戌冬夫子歸  
維揚迄今又十年矣每遇花晨月  
夕酒綠燈紅興至輒吟詩數首茲  
意往弗釋于懷或即景生情因  
物誌感山川草木觸目會心一吟  
一詠景物逼真固無佯哀偽笑之  
情亦無矯飾欺人之語歷甲子丁

邠戊辰己巳四年得詩二百餘首初  
脫藁後即錄太倉沈君名宗約者借  
以傳抄乃竟携篋闖門鐫諸梨棗矣  
茲庚午一年復得詩百餘首別成一  
帙緣丙寅仲冬遭 先祖母大故獨  
處一室在鐵山園之前數載以未偃  
仰其中故四年之詩遂以鐵山園名

序

二

之辛未暮春檢訂庚午之藁亦即  
仍其名爰以付梓余非敢問世也亦  
非欲貽諸後人也祇欲盡之言詩者  
見詩如見余并見予當年師弟授  
受之真意云爾至於工拙在所不計  
毀譽更無足憑何則詩以寫心子產  
曰人心之不同如其面焉又豈敢謂

子面如吾面乎

嘉慶辛未浚三月中浣治山自序



三



嘉慶辛未三月三日治山自序

治山公上五十二歲小像



皖湖黃玉寫



蘓君此日志沉潜

蘓允明年二十  
五始志於讀書

公已性情學

問兼

公慎語言好施典口不停吟手  
無釋卷其性情學尚可想見矣

樞密冠惟雙齒隔

萊公以二十  
三八為樞密

司徒鄧合一齡添

鄧禹以二十  
四入拜司徒

四分海屋

籌初算

仙籌  
滿百

半衍靈著筮正占

大衍  
五十芒筮

單衫書卷裏不須龍袞自尊嚴

公以九命  
得服龍袞

辛未亞歲望後一日恭題

冶山上公大人二十五歲 玉照

榕南許

夔



鐵山園詩稿目錄

甲子春作詩十首今纔七年風景頓異復

回作十首遣懷

題汪夢岩聽泉圖

春日遲起二首

黃秋平夫子別已九年矣去歲聞有和人

戲擬想當然事詩十六首今春得題亦

擬作焉詩成始得讀其詩其境殆如水

鐵山園詩稿

卷一

一

中掬月花裏尋香乃可望而不可即者

駑駘自策進步無由良用慨也

漁人入桃花源贈隱者

隱者答漁人即以送別

漁人再覓桃花源不得路憶隱者

回道人題詩岳陽樓

李衛公聞扶餘亂定知虬髯客已成事與

妻醞酒遙賀詩以誌喜

范蠡載西施泛五湖留別文種

狄武襄夜半奪崑崙關叅軍賦呈幕府

羊伯玉種玉得好婦其催妝詩云

馬周獨酌新豐題逆旅主人壁上

韓蘄王晚年常從奚奴騎驢湖上有詩遣

懷

吳越王強弩射潮潮退官吏賦詩記異

武夷君會鄉人于幔亭大合樂酒罷作詩

鐵山園詩稿

卷一

二

示鄉人時秦始皇帝二年八月十五日

也

馬援藁葬城西賓客莫敢弔故人朱勃爲

詩哭之

李暮與李舟吹笛瓜步江中有客求載並

請吹笛其聲清壯入破盤辟呼吸笛應

指粉碎恍惚不見李舟詩以紀事

姚平仲隱青城山有樵人乞得草書一紙

蓋述懷長句也

伶子于作飛燕外傳成與妾樊通德話舊

有感

前詩既成同人復持是題囑作詩成因附

於後岳忠武王奉詔班師民遮馬慟哭

詩以慰之

書岳忠武王傳後

送春二首

鐵山園詩稿

卷一

三

落花

月夜松下誌興

題丙子小照

初夏雜感四首

近人有以極不得意事演詞曲以自舒憤

懣者予憫其意特作四詩反之良由壯

年氣盛不能作深情語也

白香山鬻駱馬遣楊枝

李長吉詩爲其中表親黃投諸溷中

蘇東坡謁陳希亮不得見

陸放翁遊沈氏園遇出妻唐氏作釵頭鳳

詞題壁

午日過穉柏書屋有感

觀繩技作

夏日齋居

題蝴蝶畫扇

鐵山園詩稿

卷一

四

五月十八夜久旱酷熱偶成長句

久旱得雨作詩誌喜二首

雨不止

喜晴

聽雨

秋日病起作

秋日排悶二首

倚醉

八月十五夜

鐵山園散步二首

秋日感興

秋夜聞蛩

秋夜聞笛有感

寄懷葉榕圃三首

九日蘭堂卽事二首

秋花

鐵山園詩稿

卷一

五

秋日郊行見紅葉憶友人

秋夜閒步

登樓見落葉感成一律

無題四首

秋夜枕上作

對菊

枕上聞雨

咏新月

驟寒

觀劇四首

十月十一夜

復過東園廢宅

冬夜遣興

樓前羣卉凋殘獨盆菊尚有傲霜者爲賦

雨一律贈之

冬日晚眺二首

鐵山園詩稿

卷一

六

冬日可愛

雨後新霽

花下聽歌

扁舟載酒

松下觀棋

扁舟送客

旅館懷人

秋雨芭蕉

新霜楊柳

水中月影

樓上笛音

霜前瘦竹

煙際孤鴻

桃花春漲

竹塢鳴琴

山樵夜話

鐵山園詩稿

卷一

七

繡閣圍爐

寒月

十一月十五夜作

十一月二十二夜天降瑞雪作詩誌喜

寒夜漫興

閨怨二首

忠恕堂階下種松一株係葑谷從高祖乾

隆四十二年丁酉假歸自京都西山攜

來種于柳庄別墅者乾隆五十二年丁未先君轉乞得移植此地屈指種松之年卽予降生之年嘉慶庚午歲暮偶來松下徘徊久之偶有所感因成二律以贈焉

十二月初七夜鐵山園月下放爆竹作詩

誌興

歲暮感懷二首

鐵山園詩稿

卷一

八

歲暮雜咏十首

祀竈

雪後二首

除夜

鐵山園詩稿

庚午

闕里孔慶鎔冶山氏著

甲子春作詩十首今纔七年風景頓異  
復作十首遣懷

殘年已去瀟初闌爆竹聲催五夜寒回憶鳳  
城當此際五雲宮闕聚千官  
入夜猶聞車馬聲人逢此夕更關情重重燈  
火如春晝處處笙歌似錦城

鐵山園詩稿

卷一

月轉更催小宴殘歸齋燈火尚依然連朝瑣  
碎情懷惡兀坐西窗欲叩禪  
有酒何須待客來破畦荒逕獨徘徊亭前依  
舊芳梅樹底事春風不許開

立春後  
寒甚

強向樽前醉復歌良辰今已半將過絕憐世  
事同流水聊把癡心付酒魔  
郊外飛塵撲面迎沂河近處麥苗青邨人望  
雨心何急空怨蟄龍睡未醒

廿四年華學未成偶來紅萼

係予讀  
書舊處

別愁生

半窗斜月重門掩葉子無聲直到明

入畫青山對小樓短牆宛轉竹清幽絕憐春

到無佳客惟有斜陽記勝游

是日偶  
至蘭堂

轉眼春風二月時前堂風景益凄其

前堂爲  
祖母舊

居海棠半死新槐長义手空塔淚暗垂

何事連朝聚酒狂恨無好句答春陽小窗睡

起踟躇立夢裏詩成醒忽忘

鐵山園詩稿

卷一

二

題汪夢岩聽泉圖

小室連雲築寒泉逼戶流乍清三峽夢還作  
一山秋天地終青眼艱難未白頭巢鳥應兆  
瑞莫嘆隔瀛洲

春鳥啼春曉啼殘夢未殘睡餘虛閣掩香燼

博山寒撥悶書留枕驚心日過欄遥思金闕

下朝罷散千官

時向閒皆立徐傳午漏聲情深逕倚樹春老  
未聞鶯過眼雲生態寸心氣尚清却強爲利  
者空自起雞鳴  
黃秋平夫子別已九年矣去歲聞有和人  
戲擬想當然事詩十六首今春得題亦擬  
作焉詩成始得讀其詩其境殆如水中掬  
月花裏尋香乃可望而不可卽者駑駘自  
策進步無由良用慨也

鐵山園詩稿

卷一

三

漁人入桃花源贈隱者

一樣桑麻任往還我來已覺出塵寰俗緣忽  
斷重開境太古猶存久閉關兩岸桃花三面  
竹半溪流水四圍山君家應有長生藥不謁  
東華已駐顏

隱者答漁人卽以送別

隱入桃源爲避秦逍遙已作葛天民平生行  
樂止於酒今日看花還是春不問升沉滄海

事豈容官吏往來頻勸君莫向外人說祇恐  
他年再問津

漁人再覓桃花源不得路憶隱者

一舟重破綠溪烟風景依稀別有天路轉峯  
回非舊迹水光山色認前緣昨宵雞酒還疑  
夢此景蒼茫似隔年滿地落花人悵望白雲  
深鎖夕陽邊

回道人題詩岳陽樓

鐵山園詩稿

卷一

四

御風忽忽到人羣樓外波光接白雲象罔求  
珠原自得龜兒飲海共誰云道心已與天心  
合劍氣能教蜃氣分醉裏放歌猶未歇洞庭  
煙靄又斜曛

李衛公聞扶餘亂定知虬髯客已成事  
與妻釀酒遙賀詩以誌喜

靈石初逢便結盟投如膠漆話生平羨君志  
大輕田舍愛我情深勝弟兄已報扶餘新立

國不須今日再談兵山重水複惟遙賀千里  
知心酒一觥

范蠡載西施泛五湖留別文種

越江分手話難申二十年間患難身來去悠  
悠沙際鷺興亡寂寂夢中春聊憑一葉經千  
浪不許微塵黜美人蒼狗白衣同幻象莫將  
花柳誤前津

狄武襄夜半奪崑崙關叅軍賦呈幕府

鐵山園詩稿

卷一

五

盡知十日息兵戎忽奪崑崙此夜中急電迅  
雷成野戰塞旗斬將有奇功正聞軍令傳杯  
綠忽奏饒歌列炬紅裨將無才聊頌武捷書  
定許慰宸衷

羊伯玉種玉得好婦其催妝詩云

白璧生成絕世塵紅絲繫足亦前因香車駐  
處妝初啟螺髻鬆時黛未勻鏡裏已看人窈  
窕燈前不讓玉精神祇緣一盞瓊漿贈種出

藍田無限春

馬周獨酌新豐題  
遊旅主人壁上

平生心事一燈知  
潦倒新豐祇自悲  
如此江山難立脚  
每因時勢苦低眉  
壯心酒欲銷千斛  
世路誰憐涉九巖  
豈學書空常咄咄  
聊憑泥壁寫襟期

韓蘄王晚年常從奚奴騎驢湖上有詩  
遣懷

鐵山園詩稿

卷一

六

花柳乘時依舊芳  
消磨兩鬢祇成霜  
廿年事業同春夢  
半壁山河下夕陽  
驢背光陰容我老  
醉中風景與天長  
人生到此還行樂  
怕見南飛雁一行

吳越王強弩射潮潮退官吏賦詩記異  
海門漲溢日無休  
電激雷奔萬姓愁  
虔禱靈祇來岸上  
雄心強弩射潮頭  
蛟龍作勢猶知懼  
波浪乘機忽倒流  
從此奠安成樂國  
築隄

千古蹟應留

武夷君會鄉人于幔亭大合樂酒罷作  
詩示鄉人時秦始皇帝二年八月十五

日也

酒闌歌罷尚夷猶地濶天空作勝游世上干  
戈付流水雲中簫鼓徹清秋偶因靈境開嘉  
會不是塵寰結蜃樓海內無如此處好一丸

涼月現山頭

鐵山園詩稿

卷一

七

馬援藁葬城西賓客莫敢弔故人朱勃  
爲詩哭之

城西藁葬有誰來淚灑關山我獨哀蒼葦竟  
成千古恨犀珠恐負一生才忠魂激烈聲啼  
樹落日昏黃血染苔纒布尚能哭彭越可憐  
心事苦灰頽

李謩與李舟吹笛瓜步江中有客求載  
並請吹笛其聲清壯入破盤辟呼吸笛

應指粉碎恍惚不見李舟詩以紀事  
偶然製笛貽佳客共載扁舟泛月明新曲調  
高愁寡和仙人吹裂入虛清餘音嫋嫋樹猶  
答夜色淒淒江更平石破天驚還似夢青山  
一帶總含情

姚平仲隱青城山有樵人乞得草書一  
紙蓋述懷長句也

戰後光陰似擲梭平生壯志未消磨懶居濁

鐵山園詩稿

卷一

八

世辭軒冕老入青城養太和寂寂空山無客  
到重重深樹獨樵歌今朝聊寫襟懷感不是  
書成換白鷺

伶子于作飛燕外傳成與妾樊通德話  
舊有感

天上穠華過眼新不堪回首話前因明珠照  
夜朱顏麗赤鳳爭歌翠黛輦禍水竟成當日  
識墜花還作後宮春昭陽殿裏風光好十六

年來似轉輪

前詩旣成同人復持是題囑作詩成因  
附於後岳忠武王奉詔班師民遮馬慟  
哭詩以慰之

直抵黃龍已預期英雄氣盡是班師事君未  
了平生願撫衆翻貽鼎鑊悲半壁山河今已  
矣十年心力竟如斯今朝馬上頻回首北望  
中原涕泗垂

鐵山園詩稿

卷一

九

書岳忠武王傳後

十年功力一朝亡可惜英雄戰馬場不許將  
軍擒敵寇儘教姦宄誤君王吏憑小紙能追  
魄民得閒田更斷腸千古慰靈少祠宇惟將  
涕淚答忠良

送春二首

匆匆已過艷陽天鶯嚶枝頭又一年別緒易  
牽拖柳線買春不住撒榆錢玉樓人倦留香

夢金谷花稀鎖暮煙  
剩有多情皆下蝶  
飛飛還戀小窗前

底事韶華不暫留  
背人反更使人愁  
白雲望斷懷良友  
紅雨飛殘憶昔遊  
去路定從芳草際  
離情猶繞舊枝頭  
癡心還訪春消息  
應在蓬萊海十洲

落花

莫疑天女散芳辰  
開到荼蘼欲盡春  
小市尚

鐵山園詩稿

卷一

十

留沾酒客重門應  
惱倚樓人夢餘曉  
日穿枝瘦夜靜殘  
香繞座頻無那金  
鈴空護惜隨風  
依舊逐飛塵

月夜松下誌興

松陰直處月三更  
閒畫松陰記月行  
來去今

因行裏見百千萬  
念一時清

題內子小照

助我蘋蘩有夙緣  
幽閒丰度儘堪傳  
吟詩愛

學中唐體習禮常看內則篇寶鴨香濃春正  
午玉塔花媚雨餘天憐卿易惹江南夢盡取  
江南到眼前

初夏雜感四首

曉起嫌衣薄開門細雨餘曹閒游客少第冷  
吏人踈老屋巢新燕羣書長蠹魚惟憐堦下  
草生意滿庭除

寂寂逢初夏簾垂日影遲看山憶摩詰書艸

鐵山園詩稿

卷一

十一

愛羲之杜宇鳴庭樹遊蜂點硯池平生心似  
鶴喜傍舊松枝

竹笋纔平砌松梢火過墻好花自開落幽徑  
總蒼涼師友離情潤山川別恨長年來清興  
在只覺覓詩忙

兄弟分南北歡場感去年遊情三月暮勝事  
泗濱傳境過難尋覓春歸更黯然晚來一樽  
酒愁絕夕陽天

近人有以極不得意事演詞曲以自舒憤  
懣者予憫其意特作四詩反之良由壯年  
氣盛不能作深情語也

白香山鬻駱馬遣楊枝

老來病患苦相煎知命真宜號樂天  
筋骨肯因良馬累心情不受美人憐  
西風獵火思原野皎月妍花罷管絃  
華廐乍空金屋冷欲忘情處是皈禪

鐵山園詩稿

卷一

十三

李長吉詩爲其中表親黃投諸溷中

妬煞仙才李太常莫因蹤跡歎淒涼  
春秋催景歸瓊液款段尋詩入錦囊  
筆拆心花皆是血蘭披糞壤亦生香  
修文天上人難信光燄分明萬丈長

蘇東坡謁陳希亮不得見

不合時宜每自傷金張勢燄人相忘  
孤心幾失名流輩傲骨安容仕宦場  
豈比掃門通齊

相已慚投刺遜劉庠寄言名利熱中容蝸角  
蠅頭莫繫腸

陸放翁遊沈氏園遇出妻唐氏作釵頭

鳳詞題壁

姑惡聲聲不忍聞出門應誓柏舟吟廬江怨  
女波爲淚淨土菩提佛是心空向清流還照  
影安能落葉更歸林沈園一見銷魂絕兒女  
情懷恨轉深

鐵山園詩稿

卷一

三

午日過穉柏書屋有感

一樹蜂聲鬧夕陽簿書堆几亂柔腸庭榴依  
舊開深院海燕無端入畫梁痛飲難澆胸魄  
礪狂歌誰辨辨調宮商徒看結艾人懸尸辟芷  
江離何處芳

觀繩技作

五月五日本氣清雄黃和酒浮金觥娛賓龍  
舟不可得何妨百戲陳中庭一聲一聲擊銅

鉦百尺雙竿絙一繩衣飄袖起禽鳥疾乍飛  
旋墮猿猱騰觀者爲之神色變轉移立腳分  
死生婷婷十二垂髻女履險如夷矜媚嫵苦  
將筋力博人歡習慣生涯難自主忽然平地  
起峯巒萬事由人心上取君不見青樓女子  
學箏琶千金一笑顏如花又不見田家弱女  
刺繡文荆釵褰布常甘貧

夏日齋居

鐵山園詩稿

卷一

十四

夏木已千章薰風透衣裾高樓無暑氣中有  
幽人居隔簾鳥聲雜入戶花氣噓刺眼藤蔓  
多繞屋槐陰踈壁上三尺劍案頭數卷書日  
長如小年一杯聊自娛歡場生幽靜詩境間  
苑枯布網歎蠅蚋兒念啼鳥蕭艾混胡繩  
芝蘭就荒蕪偶步到東齋風景亦已殊清陰  
亂書幌綠苔侵庭隅去歲鶯囀梁今年鳳棲  
梧飛塵黥華軒炊烟出庖厨好景隨時變念

念心踟躕

題蝴蝶畫扇

東風無力鬥韶光  
綠滿南園惹恨長  
剩得殘花三兩點  
一雙蝴蝶背人忙

五月十八夜久旱酷熱偶成長句

豈逐塵氛夜不眠  
納涼兀自立庭前  
湘簾半捲人初定  
朱戶將扃燭尚然  
田父盡愁雲不雨  
奚童却喜月當天  
炎官未到威先布  
竹簟

鐵山園詩稿

卷一

十五

藤牀早結緣

久旱得雨作詩誌喜二首

屢向舞雩禱  
會期達帝闈  
田禾愁旣稿  
農事苦難論  
小圃栽花遍  
斜陽汲井喧  
片雲忽密布  
一夜雨翻盆

夢醒開軒牖  
甘霖與砌平  
視池殘墨在  
荷芰暗香生  
竈淺爨烟濕  
溪深蛙鼓鳴  
老農情正洽  
禾稼慶秋成

雨不止  
石燕連朝舞風姨不放晴故人杳何處去雁  
隔行程港水應過岸山雲總護城淒淒成兀  
坐階下亂泉鳴

喜晴

新晴天氣樂何如倚樹高歌酒一壺繞屋斷  
雲初入岫臨街小港亦浮鳧苔痕更見添堦  
砌花圃何須用轆轤今日商羊乍停舞此情

鐵山園詩稿

卷一

十六

可喜稱農夫

聽雨

一天涼意掩朱門夏夜清幽適夢魂靜聽壺  
中蓮漏滴忽來枕上海濤喧瑤階過水流泉  
活銀燭生花短焰昏雨勢益豪龍怒吼頽垣  
圯屋念荒邨

秋日病起作

颯颯西風易怯秋連朝病患苦兜留早眠厭

聽三更雨不寐翻添一夜愁草際蛩聲依壞  
壁窗前燈影可高樓人生強健須行樂身外  
榮枯莫更求

秋日排悶二首

年華底事太匆忙潑眼秋光已半蒼竹影翻  
窗都是綠槐花滿地不生香笙歌撥悶聽鶯  
轉兄弟分襟感雁行莫問閒愁何日盡且拚  
斗酒醉歡場

鐵山園詩稿

卷一

十七

磊落胸懷海樣寬何來物累苦相干懶親翰  
墨疎良友強聽笙歌覓舊歡竹徑苔深人到  
少木樨香滿露初溥匆匆又遇中秋節要約  
姮娥永夜看

倚醉

倚醉還愁更漏長披襟彳亍繞迴廊夢回巫  
峽秋蕭瑟人隔銀河路渺茫花影易移難繫  
月琴聲初歇尚聞璫蒼苔踏遍無消息何處

春風誤阮郎

八月十五夜

去歲中秋月似盤  
今宵回憶去年圓  
玉簫弄曲翻新譜  
紅袖持杯勸綺筵  
漏徹銅壺還痛飲  
曙生金屋未安眠  
姮娥依舊豪情減  
却把閒愁永夜牽

立月鐵山園散步二首

謾說閒曹鎮日閒  
茫茫塵累鎖愁顏  
看花愛

鐵山園詩稿

卷一

十六

學陶元亮作賦難  
追庾子山秋滿荒園人獨立  
日斜高樹鳥初還  
近年好景頻虛度  
蒼狗白衣見一斑

古壇幽僻到人稀  
獨見秋花滿地肥  
雁陣橫空同結伴  
鴉羣覓樹各爭飛  
西風漸緊應吹帽  
淫雨初晴欲授衣  
贏得閒情恣憑眺  
浩歌不管夕陽微

秋日感興

曉起開門玩物華，纔看蝶陣又蜂衙。  
樹頭好鳥空啼夢，雨後輕塵尚點花。  
病退藥鐺還倚壁，愁來詩境若搏沙。  
情知世事渾難定，聚散天邊一段霞。

秋夜聞蛩

亂蛩夜夜助秋聲，何必秋風作意鳴。  
依草傍花真寂寞，墻根樓角總淒清。  
長門月落鴛鴦冷，茅店燈殘客夢驚。  
憐我欲眠眠不得，小窗

鐵山園詩稿

卷一

十九

兀坐近三更

秋夜聞笛有感

是誰吹徹一天秋，不是悲秋亦自愁。  
茶熟香清人倚戶，西風長夜月當樓。  
落梅聲咽江湖澗，折柳吟殘蟋蟀稠。  
急管繁絃須盡樂，試看歲月已如流。

寄懷葉榕圃三首

友去虛紅萼重來，易愴神門扇蛛結網窗破。

几生塵夢不隔江水書還遲直利錦鱗此時

應理棹有約在初春

再到歡娛地追歡異去年寂寥寒月夜蕭瑟

暮秋天酒設寧甘醉愁多倦倚筵庭花依舊

發相對轉凄然

秋色江天接離愁雲樹中亂蛩鳴壞壁一鴈

度遙空時近題糕節寒生落帽風開樽聊獨

酌清興有誰同

鐵山園詩稿

卷一

二十

九日蘭堂卽事二首

隙裏駒光最易過又逢重九復如何隔墻紅葉驚秋晚繞逕黃花應節多不願周旋非謝客只緣踈懶結愁魔叩門諒少催租吏閒倚松根發嘯歌

萬千紅紫滿歌樓如此繁華勝十洲把酒持螯尋故事玉簫檀板傲清秋奚童盡說開生面農叟都來作勝游待得紛紛車馬散半輪

涼月恰當頭

秋花

寂寥天氣亦芬芳  
亂逞嬌姿散冷香  
滿地可憐餘夕照  
隔簾遮莫謝濃妝  
庭前霜重蜂衙散  
檻外風寒鴉陣忙  
我本無心愛桃李  
獨來籬畔醉重陽

秋日郊行見紅葉憶友人

郭外丹楓錦織成  
亦同桃李共爭榮  
空林颯

鐵山園詩稿

卷一

三

颯風聲急古寺深深夕  
照明愁看鴈行來絕塞  
醉忘秋色滿高城  
當年好友真堪憶  
攜手石門處處行

秋夜閒步

入夜西風清到骨  
獨坐小窗讀周易  
燈殘萬籟寂無聲  
但聽寒蛩鳴古壁  
坐久開門步廣庭  
斜月半階樓影直  
零露灑灑侵衣袖  
落葉紛紛迷履迹  
踈星幾點銀漢清  
浮雲散盡遙

天碧當時此夜醉千觴年來心境渾非昔歲  
華冉冉去如箭花開花落真堪惜茫茫莫更  
逐流波人生百年同過客

登樓見落葉感成一律

秋冷吳江鴈易沉小樓寂寂獨登臨無端落  
葉辭高樹還認飛花戀故林幾處山城樵路  
窄連朝風雨寺門深蕭蕭應斷香閨夢愁殺  
香閨望遠心

鐵山園詩稿

卷一

三

無題四首

獨立難禁五夜風誰將心事達天公闌干十  
二湘簾碧閃閃燈光畫閣東  
春花爛熳逞千姿却向青樓覓玉兒夜半尚  
歌紅豆曲一番情况一番癡

誰見林和靖復來梅花何必再重栽情逢濃  
極須回首莫共金爐火化灰  
紫府仙人意自豪武皇學道却堪嘲柏梁焚

後丹書失青鳥殷勤力枉拋

秋夜枕上作

枯葉蕭蕭枕畔聞  
參差菊影破簾紋  
鴈鳴碧落秋將老  
月過朱樓夢乍分  
宵柝亂敲催午夜  
燈花未落上朝曛  
詩情寂寂清如水  
擬寫鸞箋寄白雲

對菊

淺綠深黃次第觀  
夕陽影裏倚闌干  
豈因佳

鐵山園詩稿

卷一

三

日還生態自傲新  
霜不避寒仙去康公猶落拓  
醉同陶令且盤桓  
花心冷淡人心熱  
莫共繁英一例看

枕上聞雨

瀟瀟涼雨夜  
淒其銀燭生  
花綉幙垂人轉重  
衾情脉脉夢回高  
枕漏遲遲庭柯風緊應飄  
葉籬菊霜多不斂  
枝喜得豐年先有兆  
明春麥穗定雙岐

咏新月

昏黃庭院暝煙侵眉月娟娟透遠林瑤闕未  
開金鎖澀姮娥應睡瑣窗深階前易下閨人  
拜雲外還驚塞雁沉三五良宵期漸逼從教  
夜夜隔初心

驟寒

黃葉全飛露玉繩驟寒還向曲闌凭廣庭立  
火霜如雪古硯研來墨化冰昨日今朝時迴

鐵山園詩稿

卷一

三

異人間天上兩難憑熱腸恰似爐中火問尔  
臨風冷未曾

觀劇四首

當年譜曲奏梨園今日歌樓春更繁怪底易  
隨花事轉本來花樣喜新翻  
連宵絲管亂紛紛傳出霓裳懶去聞莫道幻  
中花月假夜來一樣醉湘裊  
館娃宮裏醉西施越國君王嘗胆時轉眼姑

蘇成蔓草始知巾幘勝鬚眉  
鏡裏尋花色本空蜃樓忽結海門東連朝笑  
煞爭觀者不解黃梁是夢中

十月十一夜

曲終舞歇尚盤桓回到中堂燭影殘一首新  
詩初落稿半輪斜月已過闌窗前坐久嫌衣  
薄戶外更深覺夜寒正喜連朝傳勝事閒愁  
豈許上眉端

鐵山園詩稿

卷一

三

復過東園廢宅

畫樓小圃久荒涼廢宅重過易轉傷衰草成  
叢人不刈閒花無主自生香華軒門鎖牕全  
碎老樹霜多葉盡黃獨有年年飛燕子春來  
還傍舊雕梁

冬夜遣興

漏鼓頻催夜寂寥北風成陣起林臯尋詩每  
自羣書得對菊尤憐晚節高花柳豈能踈翰

墨芝蘭儘可付離騷  
遙思去歲當今夕  
帝里笙歌酒正豪

樓前羣卉凋殘獨盆菊尚有傲霜者爲

賦一律贈之

樓臺庭院又初冬  
盆菊離離帶笑容  
不逞艷姿成晚節  
獨留瘦影傲蒼松  
歲寒始見根深淺  
霜重纔分色淡濃  
嶺上梅花淇水竹  
移來可以伴孤踪

鐵山園詩稿

卷一

三

冬日晚眺二首

望裏清無極  
幽人愛晚晴  
閒愁書不盡  
好景畫難成  
村舍餘殘照  
鶯花憶舊情  
數家烟火起  
天末暮雲平

一幅倪迂畫  
孤城帶夕陽  
山山多寂寞  
樹樹總蒼茫  
風冷鴉還亂  
霜濃菊尚芳  
歸齋頻剪燭  
庭院已昏黃

冬日可愛

淑氣侵虛幌，松梢鵲噪晴。玉簾鈞乍捲，金屋  
夢初驚。梅破南枝，萼香歸。北闕城階前堪  
曝背，厨下可調羹。寶鼎還凝篆，銅鈺欲過楹。  
羣花時盡，謝殘菊味，猶清拈韻。聊書事煎茶，  
易解醒。漸教陰氣減，將近一陽生。

雨後新霽

檻外斜風撲面涼，閒閒小立玩晴光。瑣窗人  
靜，生虛白。疊岫雲歸，見夕陽。入夜尚行深院

鐵山園詩稿

卷一

七

落怯寒欲換，夾衣裳。幽情識得天然趣，位置  
瓶花，盡日香。

花下聽歌

人面花光，門午晴。玉簫華管奏新聲，嬌喉宛  
轉，霓裳曲舞袖，翩翻。翻蛟蝶情，柳氏柳枝，同入  
畫桃根。桃葉共傾城。歌殘欲向陽臺去，鸚鵡  
籠中，又喚卿。

東來扁舟載酒

扁舟一葉興無窮却與東坡赤壁同明月既  
來留客飲良朋豈許待樽空放開吟嘯真仙  
侶買得鱸魚藉釣翁醉了渾疑天地窄五湖  
全在酒杯中

松下觀棋

一枰黑白掩松關局外優游好自閒機靜何  
妨清影亂劫昏頻到夕陽殷已甘樵叟同留  
跡不遇仙家亦駐顏袖手却成塵外客始知

鐵山園詩稿

卷一

二天

城市有深山

扁舟送客

河干分手不勝悲最是人間苦別離澣墅北  
來山寂寂秣陵南望雨絲絲驪駒一曲韶光  
老帆影千重夕照隨泊處正逢明月夜蘆花  
風起惹相思

旅館懷人

孤館青燈蟋蟀稠瀟瀟涼雨刻初收霜砧敲

轉藤蘿月羌管吹寒蘆荻洲落葉翻風頻惹  
夢黃花滿眼易悲秋故人書斷關山隔此夜  
相思兩地愁

秋雨芭蕉

芭蕉着雨隔窗鳴慣觸金閨別後情人靜尚  
搖殘燭影風淒尤作斷腸聲檀郎夢醒三更  
潤荀令香消五夜清一片離愁消不得蕭蕭  
直欲到天明

鐵山園詩稿

卷一

三九

新霜楊柳

煙淡霜濃暮靄殘絲絲猶自遍河干隋家堤  
上栖鴉冷太液宮中古木寒遠驛秋光茅店  
晚灞橋人跡夕陽寬誰憐三月黃金縷買得  
東風撲玉鞍

水中月影

金波影貯蓼花灣瑟瑟秋風夜景閒搗藥兔  
分波寂寂騎鯨人去浪溽溽照開萬頃玻璃

色洗盡九天星斗顏來徃扁舟和燈火一時  
移在廣寒間

樓上笛音

笛聲聲在水邊樓月色波光靜不流南浦乍  
驚孤客夢西風吹冷一湖秋聽殘楊柳離情  
急落盡梅花子夜愁聞得霓裳傳妙曲知音  
曾在暗中偷

霜前瘦竹

鐵山園詩稿

卷一

三

青女驚秋滿綠林數竿籊籊影森森炎涼閱  
盡成高節風雨頻來送好音湘水波侵新粉  
淡豐山鐘響夕陽沉蒼松獨秀梅花古敵得  
水霜一片心

煙際孤鴻

數聲嘹唳荻蘆灘漠漠平沙夕照寒覓食人  
經羣侶妬欲棲先被弋人看荒村茅店秋風  
冷楓葉吳江暮雨殘莫向長門啼夜月長門

已恨寄書難

桃花春漲

日暖天和雨過初  
小溪新漲接吾廬  
白沙綠藻春波淺  
人影山光畫景餘  
岸上桃花遮睡鴨  
橋邊柳帶拂遊魚  
踏青歸去豪情濶  
十里笙歌樂自如

竹塢鳴琴

綠雲深處草堂清  
時覺松風北牖生  
一曲且

鐵山園詩稿

卷一

三

消騷客悶七絃頻  
見古人情懶聞玉笛  
吹楊柳豈似旗亭唱  
渭城流水高山誰識得  
修篁爭和近初更

山樵夜話

十畝荒田隔石崖  
秋深落葉卽如柴  
布衣着體身粗適  
村酒盈樽意亦諧  
瓦枕繩牀何寂寞  
華門圭竇自安排  
長宵坐久無更漏  
惟看中天月到階

繡閣圍爐

雲母屏風列翠樓，重重綉幔異香柔。  
兒把酒紅兒醉越，女吹簫。趙女謳蠟炬光濃，還射覆博山烟燼。尚藏鈞栖鳥，莫便啼長夜。銀箭初傳第一籌。

寒月

桂花香細玉輪寬，怪底姮娥惱夜闌。  
老樹枝頭惟鳥跡，曲欄干外少人看。  
光侵鴛瓦霜兼

鐵山園詩稿

卷一

三

白冷徹鼉更夢亦寒，憶得三秋宵正好不辭  
醅酌任盤桓

十一月十五夜作

長風終夜作龍吟，怒吼空庭漏鼓沉。  
玉案已昏銀燭焰，香閨應怯美人心。  
乍疑綠屨聲臨戶，還負遙天月滿林。  
不用金爐添獸炭，閉門高臥擁重衾。

十一月二十二夜天降瑞雪作詩誌喜

霎時琢就玉乾坤更羨表安早閉門人定尚  
愁風入戶夜深還認月臨軒孤村易失三叉  
路六出全封數畝園不是老農心亦喜呼童  
收拾護梅根

寒夜漫興

閒時冷落樂時煩案牘稀疎早閉軒深院月  
明妻午夜小樓人定息塵喧樹因葉脫枝纔  
瘦爐到香濃火更溫憶得勞人心正急輪蹄

鐵山園詩稿

卷一

三

跋涉望前村

閨怨二首

紅樓十二碧闌干曲曲蘭房怯夜寒拂鏡已  
愁螺髻亂解衣還訝帶圍寬玉關人遠悲秋  
易錦帳香濃覓夢難偶向水晶簾外立一庭  
明月不成歡

倚遍銀屏未卸粧愁多懶去寫鴉黃合歡床  
上鴛衾薄征戍樓頭玉漏長流水落花思阮

肇青山夜雨弔真娘可憐不及巢中燕歲歲  
春風入畫梁

忠恕堂階下種松一株係葑谷從高祖  
乾隆四十二年丁酉假歸自京都西山  
攜來種于柳庄別墅者乾隆五十二年  
丁未先君轉乞得移植此地屈指種  
松之年卽予降生之年嘉慶庚午歲暮  
偶來松下徘徊久之偶有所感因成二

鐵山園詩稿

卷一

三四

律以贈焉

與我同來廿四年畫堂南畔已忝天弄濤時  
作蒼龍吼駐月還疑白鶴眠陰厚終防荒蘚  
蝕根深猶畏女蘿纏何如生在西山好却悔  
當初植檻前

移來曾念舊崢嶸月地雲階氣轉清晚節舊  
持君子德孤標何待大夫名心傷風木樹如  
此手澤留傳世屢更徙倚空堂誰共語長吟

聊慰歲寒情

十二月初七夜鐵山園月下放爆竹作

詩誌典

三五兒童聚小園一聲霹靂起乾坤如雷不  
失英雄箸若電頻分夜月痕未到新年先寄  
訊正逢殘臘已沿門應催萬物同春轉樂處  
先沾造化恩

歲暮感懷二首

鐵山園詩稿

卷一

三五

一入殘年百緒煩况來舊地更銷魂虛窗久  
閉階堆雪老屋深扃日過門孤雁可憐尋漏  
苦啼烏難報哺兒恩滿腔心事憑誰訴步遍  
空庭見月痕

情深容易感從前猶憶髻年膝下歡已睡還  
嫌擁被少未涼先怕着衣單隔牆又見梅花  
放屈指方驚歲月殘愁極登臨一憑眺滿城  
斜日路漫漫

歲暮雜咏十首

殘年漸逼新年至好景頻教節序催舊地依

依非舊迹幾經霜露更增哀

今歲六月新徙書齋卽先祖

母之卧室也

燈紅酒綠記當年兄弟聯床門管絃今日閉

門嫌寂寞挑鐙惟檢舊詩篇

簷前冰柱太玲瓏清冷尤堪五夜風待得玉

堦殘雪盡朝瞰東上恐成空

鐵山園詩稿

卷一

三

酒盡花殘便說禪花香酒熟又希仙蔡經尚

放麻姑去癡者何須學種蓮

黃人捧日最晶明曝背南窗覺有情聞得市

聲心便喜愁魔忽解醉魔清

園林入夜添幽興潑眼銀花隔座開早有元

宵新氣象兒童濟濟去還來

俗事纏綿詩興踈書完鬱壘換桃符寧容戶

外堦堆雪不許簾鉤網結蛛

紅萼軒虛小院荒，歲殘風景更蒼涼。我來空  
立門前雪絳帳，深局剩夕陽。  
幼齡情況不知愁，時蔭萱堂任去留。那管白  
駒彈指去笙歌，隊裏勝封侯。  
早起閒曹已放衙，獨來古逕玩梅花。愛梅莫  
便輕攀折，留伴青松傲歲華。

祀竈

中庭生暝色，厨下息炊煙。相隨兩三童，特謁

鐵山園詩稿

卷一

三

几筵邊絳燭，案頭紅梅檀爐內。然默言禱神  
明，禮恭心益虔。尊神主司命，五祀之最先。鑒  
察同屋漏，明鏡分媿妍。世人存敬畏，此日神  
朝天。風馬空中嘶，雲車天外懸。爆竹如霹靂，  
灑空雪連纖。積善有餘慶，不用求金仙。漢武  
柏梁臺焚後，更無緣徐福去求仙。一去不復  
旋，鬼神本渺茫。儒家不說禪，近有燒香者。結  
社自年年，車馬紛紛行千里。躋層巔，春風白

面郎紅袖逞華鮮一步一深拜執香心更專  
老巫叩帝閣驚說是真詮世情曲似鈞大道  
直如絃祀不分奧竈心惟希聖賢何如閉門  
居萬世守遺編

雪後二首

鵝毛一夜深三尺曉起寒威斗逼人入畫紅  
樓闌變玉拂雲綠竹葉成銀蓮花步處全無  
迹梅樹香中早占春分付侍兒須急掃廣庭

鐵山園詩稿

卷一

整頓歲華新

乍霽時聞鳥數聲開門如向玉壺行一瞥晴  
雨空庭冷幾樹斜陽小巷清此日長安添酒  
價明春場圃洽農情崎嶇曲路看無迹雪掩  
尤防有不平

除夜

戶戶春燈眩目斑三星圖掛翠屏間愁聞車  
馬沿門響愛看兒童結伴頑幾處人聲喧半

夜紅樓椒酒駐朱顏身叨世爵 君恩重許  
我今朝守歲閒

鐵山園詩稿

卷二



